



Broj: 11-11-405/26
Vogošća, 14.05.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 14.05.2026. godine donio je

**ODLUKU
O PONIŠTENJU OTVORENOG POSTUPKA NABAVKE RADOVA NA SANACIJI KLIZIŠTA
ORAHOV BRIJEG KOD BROJA 89**

Član 1.

Poništava se Otvoreni postupak nabavke radova na sanaciji klizišta Orahov Brijeg kod broja 89, broj: 11-11-405/26, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 02.04.2026. godine donio Odluku o pokretanju Otvorenog postupka nabavke radova na sanaciji klizišta Orahov Brijeg kod broja 89, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 02.04.2026. godine pod brojem: 1353-1-3-68-3-74/25.

Tendersku dokumentaciju sa Portala javnih nabavki BiH je preuzelo 15 (petnaest) ponuđača. Krajnji rok za dostavu ponuda bio je 27.04.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.04.2026. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "AME" d.o.o. Breza, broj int. knjige 14/26, sa ponuđenom ukupnom cijenom nabavke u iznosu od 105.723,76 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 11-11-405/26 iz aprila 2026. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača "AME" d.o.o. Breza ne ispunjava formalno-pravne uslove tražene Tenderskom dokumentacijom i to:

Tenderskom dokumentacijom u tački 7.4.1. ponuđač je dužan ispuniti sljedeće uslove tehničke i profesionalne sposobnosti:

- a) da je u posljednjih 5 (pet) godina računajući od dana podnošenja ponude, kao izvođač radova realizovao minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku (sanacija klizišta) u ukupnom iznosu od 100.000,00 KM bez uračunatog PDV-a ili više pojedinačnih ugovora u ukupnom zbiru od 100.000,00 KM bez PDV-a.

Nadalje, tačkom 7.4.2.U svrhu dokazivanja ispunjavanja uslova iz tačke 7.4.1. ponuđači su dužni u ponudi dostaviti sljedeće pismene dokaze:

- a) spisak izvršenih ugovora u ukupnom iznosu od 100.000,00 KM bez uračunatog PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona. Ukoliko se potvrde o izvršenim radovima ne mogu obezbijediti iz objektivnih razloga, ponuđač će dostaviti izjavu o uredno izvršenim poslovima uz predočenje dokaza o učinjenim pokušajima da se takve potvrde osiguraju.

Napomena I: Dokazi koji se dostavljaju moraju biti originali ili ovjerene kopije.

Napomena II: Potvrda o izvršenim radovima koju izdaje druga ugovorna strana (naručilac) obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Ponuđač je u ponudi dostavio potpisan i ovjeren Spisak izvršenih ugovora broj: 16-01/26 od 17.04.2026. godine na memorandumu Ponuđača, u kojem su navedeni ugovori koje je ponuđač realizovao u proteklih 5 godina.

Međutim, uvidom u potvrde izdate od druge ugovorne strane, u kojima je naveden predmet ugovora, samo se neke odnose na radove na sanaciji klizišta, ali njihov ukupan iznos je manji od 100.000,00 KM kako je traženo Tenderskom dokumentacijom.

Imajući u vidu da je tenderskom dokumentacijom traženo da je ponuđač u posljednjih 5 (pet) godina realizovao minimalno jedan ugovor ili više pojedinačnih ugovora u iznosu od 100.000,00 KM koji se odnosi na radove sanacije klizišta, Komisija je navedne dokumente iz ponude ocijenila neprihvatljivim jer se njima ne dokazuje da je ponuđač ispunio uslove izričito tražene tenderskom dokumentacijom.

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na sanaciji klizišta Orahov Brijeg kod broja 89, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

OPĆINSKI NAČELNIK

Migdad Hasanović

Dostavljeno:

1. "AME" d.o.o. Breza
2. Nadležnoj Službi
3. U dosije
4. a/a

ame@bih.net.ba

Akt izradila: Meliha Čolpa

Akt kontrolisala: Đejna Sarač

Akt odobrila: Đejna Sarač

DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA